



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 71. Novum vectigal in Belgio a Duce imperatum.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

Sæcul. XVI.
A.C. 1569.

posita, cujus spectaculo assidue eorum oculis obversante sibi non tantum semel devicti, atque in ordinem redacti videbantur, sed quasi in æternam servitutem se raptos quotidie vinciri, & in triumphum duci existimabant.

Ipsimet Hispani hunc Ducis fastum reprobabant, eo quod is potius proprio quam alieno ore suam victoriam deprecari voluerit: præterea vix unquam in Hispaniæ aula sermo miscebatur, ubi non Rodericus Gomezus de Sylva antiquus Ducis æmulus præcipue *fidelissimi Ministri* titulum, quem sibi Albanus arrogaverat, sibilis, ac cachinis explodebat: quinimo hanc statutam ipsemet iniquo animo tulisse Philippus II. dicitur, qui & eam quadriennio post per Ludovicum Requesenem Magnum Commendatorem, qui Albano e provincia decedenti in Belgii præfectura suffectus est, amoveri jubebat, ut Rex tam Belgis complaceret, quam propriæ suæ cupiditati satisfaceret, regere ferens, quod in alterius gloriam erectum fuerit monumentum victoriæ, quæ tamen non nisi propriis ejus armis, atque sub illius auspiciis fuisset reportata.

§. LXXI.

*Novum vectigal in Belgio a Duce
imperatum.*

Albæ

Albæ Dux populi indignationem, quam sibi ob superbiam, suumque fastum accersebat, parum curare videbatur, unde suæ avaritiæ, ac pecuniæ corradendæ aviditatem satiaturus convocatis Provinciarum Ordinibus imperabat, ut pro omnibus rebus mobilibus, quoties venderentur, partem decimam, pro immobilibus autem venditis vigesimam, & pro cunctis cujuscunque conditionis bonis tam mobilibus, quam immobilibus centesimam penderent, ut exinde expensæ ad bellum jam inchoatum, aut deinceps pro patriæ salute gerendum necessariæ acciperentur: obtendebatur enim, quod Hispania diuturno contra Mauros bello sit implicita, ac contra Turcas validam classem instruendi necessitas urgeat, ut proin ad hosce sumptus non levior exactio requiratur, minusque æquum sit, quod curæ, Regisque expensæ in Christianæ rei tutelam unice intentæ, nunc alio intempstive distrahantur, atque impendantur: verum hæ rationes populis minus comprobatae erant: nihil enim magis iniquum eis videbatur, quam quod singulorum bona æstimentur, ac insuper exactiones, quas immodicas esse censebant, imponerentur.

Sæcul. XVI.
A.C. 1569.

Stradal. 7.
Thuan. l. 46.
Grotius l. c.

Aa 2

§. LXXII.